

## Evening Dogri News Bulletin, 30 March 2025

-इवनिंग डोगरी न्यूज़ बुलेटिन

समे .18:15 Hrs

<><><><><><>

### Headlines

1. प्रधानमंत्री नरेंद्र मोदी होरें अज्ज आकाशवाणी पर “मन की बात” कार्जक्रम दे राहें लोकें कन्नै विचार सांझे कीते। उनें टेक्सटाइल वेस्ट यानि कपड़े-टल्लें सरबन्धी कचरे दी चुनौती पर चैंता जाहिर कीती।
2. “मन की बात” दे 120में एपिसोड च प्रधानमंत्री होरें आखेआ जे योग, मनुक्खता गी भारत दी तरफा दित्ता गेदा इक्क अनमुल्ला तोहफा ऐ। उनें विद्यार्थियें गी गुजारिश कीती जे ओह सोए दिएं छुट्टियें दौरान नमें शौक अपनान ते नमें हुनर सिक्खन।
3. लेफ्टिनेंट गवर्नर मनोज सिन्हा होरें जी.एम.सी जम्मू दा दौरा लाइयै कठुआ टाकरे च जख्मीं होए दे जम्मू-कश्मीर पुलस दे जवानें दी डोल पुच्छी।
4. केंद्री मंत्री डॉ. जितेंद्र सिंह होरें कठुआ टाकरे च शहीद होए दे द'ऊं जवानें दे घर जाइयै उन्दे परोआरें कन्नै बसोस जताया ते उनेंगी हर मुमकिन मदाद दा भरोसा दित्ता।
5. चैत्र नरातें दे अज्ज पैहले ध्याड़े समूलचे जम्मू संभाग च श्रद्धालु बक्ख-बक्ख देवी-द्वारें च जाइयै मत्था टेका'रदे ना।

<><><><><><>

<><><><><><>

## MKB-Textiles

प्रधानमंत्री नरेंद्र मोदी होरें अज्ज आकाशवाणी पर “मन की बात” कार्यक्रम दे राहें देश-विदेश च रौहने आहले लोकें कन्नै अपने विचार सांझे कीते। “मन की बात” दे 120में एपिसोड च प्रधानमंत्री होरें अज्ज टेक्सटाइल वेस्ट यानि कपड़े-टल्लें सरबंधी कचरे दी चुनौती पर लोऽ पांदे होई आखेआ जे एहू अज्ज पूरी दुनिया लेई चैंता दी बड्डी वजह बनी गेदी ऐ। श्री मोदी होरें इस गल्ल पर चैंता जाहिर कीती जे बेकार जां पराने कपड़ें चा इक्क फीसद कोला बी घट्ट गी परतियै इस्तेमालजोग बनाया जा’रदा ऐ। उनें आखेआ इस कचरे दी पैदावार दे मामले च भारत दुनिया भरै च त्रीए नम्बरै पर ऐ। उनें आखेआ।

<><><><><><>

## Water-Harvesting

पानी दी साभ-सम्भाल आहले विषे पर बोलदे होई प्रधानमंत्री होरें आखेआ जे जियां गै सोए दी रूत नेडे औन लगी पौंदी ऐ, उआं गै केई सारे शैहरें ते ग्राएं च पानी बचाने लेई तैयारियां शुरू होई पौंदियां न। प्रधानमंत्री होरें इस गल्ला पर संदोख जाहिर कीता जे देसा दे केई सारे राज्यें च पानी दी साभ-सम्भाल आहले कम्में च खरी मती तेजी दिक्खी गेई ऐ। श्री मोदी होरें एब्बी आखेआ जे हर ब’रे आहला लेखा इस ब’रे बी बरखा दे पानी दी साभ-सम्भाल सरबंधी ‘कैच दा रेन’ अभियान गी लेइयै युद्ध सतह पर तैयारियां चला करदियां न।

<><><><><><>

## Khelo India Para Games

हाल च गै सम्पन्न होई दी खेलो इंडिया पैरा गेम्स दा जिक्र करदे होई प्रधानमंत्री होरें दिव्यांग खडारिएं दी निष्ठा ते हुनर दी सराहना कीती। उनें बड्डी खुशी कन्नै एहू गल्ल सांझी कीती जे पैहले आहली खेड्डें दे मुकाबले च इनें खेड्डें च होर मते खडारिएं शामिलियत कीती ऐ जेडा पैरा खेड्डें दी बद्धी लोकप्रियता गी दर्शादा ऐ। उनें आखेआ

<><><><><><>

## Yoga

फिटनेस यानि तंदरूस्ती दे विषे पर अपने विचार सांझे करदे होई श्री मोदी होरें आखेआ जे अंतरराश्ट्रीय योग दिवस लेई हून 100 ध्याडें शा बी घट्ट समें रेई गोआ ऐ। उनें लोकें गी गुजारिश कीती जे ओहू अपने जीवन च योग गी पक्क गै अपनाना। इस विषे पर विचार सांझे करदे होई श्री मोदी होरें आखेआ।

<><><><><><>

## Summer

अपने अज्जा दे “मन की बात कार्जक्रम” च प्रधानमंत्री होरें विद्यार्थियें गी सलाहू दिती जे ओहू अपनी सोए दिएं छुट्टिएं दौरान नमें शौक ते रचनात्मक कम्में बक्खी ध्यान केंद्रित करना। उनें इस गल्ला पर जोर पाया जे एहू समां नमें शौक ते नमें हुनरें गी अपनाने दा ऐ। उनें आखेआ

<><><><><><>

## PM-Festivals

प्रधानमंत्री नरेंद्र मोदी होरें सब्भनें देशवासिएं गी अज्जा थमां शुरू होए दे चैत्र नरातें दियां मुमारखां दित्तियां। अज्जा थमां गै देसी नमें बरे दी बी शुरूआत होआरदी ऐ। प्रधानमंत्री होरें इस गल्ला पर खुशी जाहिर कीती जे बक्ख-बक्ख राज्यें थमां लोकें अपनी मकामी भाशाएं च बक्ख-बक्ख ध्यारें गी लेइयै उनेंगी शुभकामनाएं आहले संदेश भेजे ना। श्री मोदी होरें आखेआ जे साहडे ध्यार देसा च अनेकता च एकता दी भावना गी दर्शादि ना। इस सरबंघै च प्रधानमंत्री होरें आखेआ।

<><><><><><>

## LG-GMC Visit

लेफ्टिनेंट गवर्नर मनोज सिन्हा होरें अज्ज मेडिकल कॉलेज अस्पताल जम्मू दा दौरा करियै कठुआ च आतंकवादियें कन्नै होए दे इक्क टाकरे दौरान जखमी होए दे जम्मू-कश्मीर पुलस दे जवानें दी डोल पुच्छी। सीनियर डाक्टरें दी टीम नैएल.जी सिन्हा होरें गी एस.डी.पी.ओ बार्डर, कठुआ धीरज कटोच ते एसपीओ भारत जलहोत्रा दी सेहत दी स्थिति ते पालन कीती जा'रदी मेडिकल प्रक्रियाएं बारै जानकारी दिती। एल.जी होरें घायलें दे परोआर दे सदस्यें

कन्नै बी मुलाकात कीती ते उनें'गी हर मुमकन मदाद दा भरोसा दोआया। उनें अस्पताल प्रशासन गी बहादुर पुलस कर्मिये दे तौले नरोए होने आस्तै बेहतरीन सेहत दिक्खभाल गी यकीनी बनाने दे निर्देश दित्ते। तोआई, केंद्री मंत्री डॉ. जितेंद्र सिंह होरे कठुआ टाकरे च शहीद हए दे सिलेक्शन ग्रेड कांस्टेबल जसवंत सिंह ते सिलेक्शन ग्रेड कांस्टेबल बलविंद्र सिंह हुंदे घरे च जाइयै उन्दे परोआरे कन्नै बसोस प्रगट कीता। इस मौके पर बोलदे होई डॉ. जितेंद्र सिंह होरे आखेआ।

<><><><><><>

## LG-Guru Prakash Utsav

लेफ्टिनेंट गवर्नर मनोज सिन्हा होरे आखेआ एे जे समाज दे हर वर्ग गी संकीर्ण विचारें कोला उप्पर उठियै सारी मनुक्खता दी एकता दे विचार गी बढ़ावा देना लोड़चदा एे। एहू गल्ल उनें अज्ज गुरू नाभा दास जी गी उन्दे प्रकाश उत्सव पर नमन करदे होई आक्खी। इस मौके पर उनें गुरू हुंदी आध्यात्मिक शिक्षाएं दी शाश्वत प्रासंगिकता ते साढी मिश्रित संस्कृति च उन्दे असीम योगदान पर लोऽ पाई।

<><><><><><>

## Pilgrims-Rush

चैत्र नराते दे पैहले ध्याड़े जम्मू सूबे दे बक्ख-बक्ख मंदरें ते श्री माता वैष्णो देवी जी दी पवित्र गुफा च श्रद्धालुएं दी बड़ी मती भीड़ दिक्खी गेई। जम्मू शैहरा च बावे आहली माता, नगरोटा च कोल कंडोली माता, साम्बा च चीची माता ते कठुआ च सुकराला माता दे मंदरें च बडुलै मूंह न्हरे गै भक्त बड़ी बद्द गिनतरी च पुज्जना शुरू होई गे हे। तोआई, श्री माता वैष्णो देवी जी दी पवित्र गुफा च बी श्रद्धालु बड़ी भारी गिनतरी च पुज्जियै मत्था टेका'रदे ना देवी दुर्गा गी समर्पित नौ दिनें तगर चलने आहले नराते दा समापन राम नौमी पर होगा। आकाशवाणी

समाचार कन्नै गल्लबात करदे होई श्री माता वैष्णो देवी श्राइन बोर्ड दे मुख कार्जकारी अधिकारी अंशुल गर्ग होरें दस्सेआ।

<><><><><><>

## Eid-Markets Rush

ईद-उल-फितर शा पैहले जम्मू शैहर दे बजारें च खरीददारें दी रौनक दिक्खने गी लब्बा'रदी ऐ। हर बरै आंडर पुराने जम्मू शैहर दे रघुनाथ बजार, रेजीडेंसी रोड ते पुरानी मंडी दे कन्नो-कन्नी गोल मार्केट ते अप्सरा रोड गांधी नगर इलाके दे बजारें च ईद शा पैहले खरीददारी करने आहलें दी खरी मती भीड़ लब्बा'रदी ऐ। बजारें च विशेष तौरा पर महिलां ते बच्चें दी भीड़ बद्द ऐ। आकाशवाणी समाचार कन्नै गल्ल करदे हेई इक्क मकामी नै आखेआ।

<><><><><><>